

Na osnovu člana 16. stav 2. Zakona o Vladi Zeničko-dobojskog kanton - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2020. godinu, broj: 02-11-8828/20 od 03.06.2020. godine, na prijedlog Ministarstva zdravstva, Vlada Zeničko-dobojskog kantona, na 62. sjednici, održanoj dana 26.06.2020. godine, d o n o s i

ODLUKU

o odobravanju sredstava JU Kantonalna bolnica Zenica za nabavku usluga održavanja i servisiranja IMPAX(PACS/RIS) sistema

Član 1.

(Predmet)

Odobravaju se sredstva JU Kantonalna bolnica Zenica u ukupnom iznosu od 36.504,00 KM (slovima: tridesetšesthiljadaipetstotinačetiri konvertibilne marke) po osnovu Ugovora broj: 20/1-6126 od 28.06.2019. godine zaključenog sa „Medit“ d.o.o. Sarajevo za usluge održavanja i servisiranja IMPAX (PACS/RIS) sistema.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20) sa razdjela 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX010, pozicija „Tekući transfer za Kantonalnu bolnicu Zenica”.

(2) Sredstva odobrena Odlukom će se transferisati na račun JU Kantonalna bolnica Zenica broj:134-010-00000138-94 otvoren kod ASA banke, na osnovu zaključenog ugovora o nabavci i Odluke u ukupnom iznosu odobrenom Odlukom, a koji se odnosi na 6 mjesečnih rata po 6.084,00 KM.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4.

(Izvještavanje)

JU Kantonalna bolnica Zenica je dužna izvjestiti Ministarstvo zdravstva o namjenskom utrošku sredstava, dostavljanjem faktura i dokaza o uplati sredstava dobavljaču.

Član 5.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-10834/20
Datum, 26.06.2020. godine
Z e n i c a

PREMIJER
po ovlaštenju

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x JU Kantonalna bolnica Zenica, putem Ministarstva,
1x „Službene novine Zeničko-dobojskog kantona“,
1x a/a.